

এক সিরিজ

এক সিনেমা

**>>বিনোদন** ১৪

সংস্কার মানে কি অদক্ষ সংস্থার প্রতিপালন

>>মতামত ৮

আড়াই শ বছরের পুরোনো শহরে শতবর্ষী ৩ ব্যবসা প্রতিষ্ঠান

>> বানিজ্য ১১

জি-২০-তেও জলবায়ু নিয়ে উত্তেজনা

>> আন্তর্জাতিক ১২

সোমবার

১৮ নভেম্বর ২০২৪

वर्ष २०, সংখ্যा

৩ অগ্রহায়নণ ১৪৩১, ১৫ জমাদিউল আউয়াল ১৪৪৬

প্র বাণিজ্যসহ মোট ১৬ পৃষ্ঠা। দাম ৳১২

www.prothomalo.com

# অত্যাবশ্যকীয় সংস্কার শেষেই নিৰ্বাচন



প্রধান উপদেষ্টা ড. মুহাম্মদ ইউনূস গতকাল ঢাকায় রাষ্ট্রীয় অতিথি ভবন যমুনায় সরকারের ১০০ দিন পূর্তি উপলক্ষে জাতির উদ্দেশে ভাষণ দেন। ছবি: পিআইডি

# জাতির উদ্দেশে প্রধান উপদেষ্টা

*ান্তর্বর্তী সরকারের ১০০ দিন পূর্তি উপলক্ষে গতকাল জাতির উদ্দে*শে ভাষণ দেন ড. মুহাম্মদ ইউনুস।

### বিশেষ প্রতিবেদক, ঢাক

অন্তর্বর্তী সরকারের প্রধান উপদেষ্টা ড. মুহাম্মদ ইউনুস বলেছেন, নির্বাচনী সংস্কারের সিদ্ধান্ত হয়ে গেলে খুব দ্রুত নির্বাচনের রোডম্যাপণ্ড (রূপরেখা) পাওয়া যাবে। প্রয়োজনীয় কিছু অত্যাবশ্যকীয় সংস্কারকাজ শেষ করেই নির্বাচনের আয়োজন করা হবে। তবে নির্বাচনের ট্রেন যাত্রা শুরু করেছে। এটা আর থামবে না। অবশ্য সংস্কারের জন্য নির্বাচন কয়েক মাস বিলম্বিতও করা যেতে পারে।অন্তর্বর্তী সরকারের ১০০ দিন পূর্তি উপলক্ষে গতকাল রোববার জাতির উদ্দেশে দেওয়া ভাষণে এ কথাগুলো বলেন প্রধান উপদেষ্টা। বিটিভি ও বিটিভি ওয়ার্ল্ডে এ ভাষণ সরাসরি সম্প্রচার করা হয়।ছাত্র-জনতার অভ্যুত্থানে গত ৫ আগস্ট আওয়ামী লীগ সরকারের পতন হয়। এরপর ৮ আগস্ট ড. মুহাম্মদ ইউনুসকে প্রধান উপদেষ্টা করে অন্তর্বর্তী সরকার গঠিত হয়। বর্তমানে অন্তর্বর্তী সরকারের উপদেষ্টা পরিষদের সদস্যসংখ্যা ২৪।নির্বাচনের ট্রেন যাত্রা শুরু করেছে উল্লেখ করে প্রধান উপদেষ্টা বলেন, 'এটা আর থামবে না। কিন্তু যেতে যেতে আমাদের অনেকগুলো কাজ সেরে ফেলতে হবে। এই ট্রেন শেষ স্টেশনে কখন পৌঁছাবে, সেটা নির্ভর করবে কত তাড়াতাড়ি আমরা তার জন্য রেললাইনগুলো বসিয়ে দিতে পারি, আর তা হবে রাজনৈতিক দলগুলোর ঐকমত্যের মাধ্যমে।

এরপর পষ্ঠা ৪ কলাম ৩

তৈরি পোশাক খাতে লেনদেনে এক নম্বর বেসরকারি দেশীয় ব্যাংক



গতকাল ছিল সপ্তাহের প্রথম কর্মদিবস। এদিন এমনিতেই রাজধানীর সডকে যানবাহনের চাপ বেশি থাকে। এরই মধ্যে সড়ক বন্ধ করে বিক্ষোভ করে মোহাম্মদপুর এলাকায় ঢাকা রেসিডেনসিয়াল মডেল কলেজের শিক্ষার্থীরা। এতে আশপাশের সড়কগুলোয় সৃষ্টি হয় তীব্র যানজট। দুর্ভোগে পড়েন সাধারণ মানুষ।

# ব্যাংক থেকে লুট করা টাকা এখন খেলাপির খাতায়

বাংলাদেশ ব্যাংকের তথ্য নিজস্ব প্রতিবেদক, ঢাকা

ছাত্র-জনতার অভ্যত্থানে ক্ষমতা হারানো আওয়ামী লীগ সরকারের সময়ে একাধিক ব্যাংক দখল করে রীতিমতো অর্থ লুট করা হয়। এর বাইরে অন্য সরকারি-বেসরকারি ব্যাংক থেকে নিয়মের বাইরে নামে-বেনামে ঋণের নামে অর্থ বের করে নেওয়া হয়। ব্যবস্থা নেওয়ার দায়িত্ব থাকলেও বাংলাদেশ ব্যাংক বরং এ কাজে সহায়তা করেছে। অনেক ক্ষেত্রে আড়াল করে রেখেছে বড় অঙ্কের খেলাপি ঋণ। এসব ঋণের বিপরীতে নেই পর্যাপ্ত জামানতও।সরকার বদলের পর এখন ব্যাংকঋণের প্রকৃত চিত্র বেরিয়ে আসছে। জানা যাচ্ছে প্রকৃত খেলাপি ঋণের পরিমাণ। বাংলাদেশ ব্যাংকের তথ্য অনুযায়ী, মালিকানা বদল হওয়া ইসলামী ব্যাংকের খেলাপি ঋণ বেড়েছে দ্বিগুণের বেশি। আওয়ামী লীগ ঘনিষ্ঠ শিল্পগোষ্ঠী বেক্সিমকো, এস আলম, বসুন্ধরা গ্রুপসহ আরও অনেকের ঋণও খেলাপি হয়ে পড়েছে। ফলে গত জুলাই-সেপ্টেম্বর সময়ে সব মিলিয়ে খেলাপি ঋণ বেড়েছে ৭৩ হাজার ৫৮৬ কোটি টাকা। এতে সেপ্টেম্বর শেষে খেলাপি ঋণ বেড়ে হয়েছে ২ লাখ ৮৪ হাজার ৯৭৭ কোটি টাকা, যা ব্যাংক খাতের মোট ঋণের ১৬ দশমিক ৯৩ শতাংশআলোচ্য সময়ে সরকারি ব্যাংকগুলোতে খেলাপি ঋণ যত বেড়েছে, তার চেয়ে বেশি বেড়েছে বেসরকারি ব্যাংকের খেলাপি ঋণ।

এরপর পৃষ্ঠা ২ কলাম ৫

## চলতি বছরের চিত্র খেলাপি ঋণ বৃদ্ধির চিত্র (কোটি টাকা) হিসাব কোটি টাকায় সরকারি ব্যাংক 68,225 5.02.860 লেপ্টেম্বর ১,২৬,১১১ বেসরকারি ব্যাংক লেগ্রের ১,৪৯,৮০৬

### কত বাডল খেলাপি ঋণ

বাংলাদেশ ব্যাংকের তথ্য অনুযায়ী, ২০২৩ সাল শেষে ব্যাংক খাতের খেলাপি ঋণ ছিল ১ লাখ ৪৫ হাজার ৬৩৩ কোটি টাকা। গত জুন শেষে যা বেড়ে হয় ২ লাখ ১১ হাজার ৩৯১ কোটি টাকা। তখন দেশের ব্যাংকগুলো থেকে বিতরণ করা ঋণের ১২ দশমিক ৫৬ শতাংশই খেলাপি ছিল। গত সেপ্টেম্বর শেষে সেই খেলাপি ঋণ বেডে এখন প্রায় ৩ লাখ কোটি টাকা হয়ে গেছে। অথচ ২০০৯ সালে আওয়ামী লীগ যখন সরকার গঠন করে. তখন মোট খেলাপি ঋণ ছিল ২২ হাজার ৪৮১ কোটি টাকা।ব্যাংকাররা বলছেন, প্রকৃত খেলাপি ঋণের পরিমাণ আরও বেশি। কেন্দ্রীয় ব্যাংকের গভর্নর আহসান এইচ মনসুর সম্প্রতি ব্রিটিশ সংবাদমাধ্যম ফিন্যান্সিয়াল টাইমসকে দেওয়া এক সাক্ষাৎকারে আওয়ামী লীগ সহযোগীদের ১ হাজার ৬৭০ কোটি ডলার বা ২ লাখ কোটি টাকা লুটের যে কথা বলেছেন, তার সবই খেলাপিযোগ্য। ফলে সামনে খেলাপি ঋণ আরও বাড়বে। আগে কেন্দ্রীয় ব্যাংক খেলাপি ঋণের তথ্য গোপন রাখতে ও কাগজে-কলমে কমিয়ে দেখাতে নানা কৌশল অবলম্বন করত।সরকার বদলের পর এখন ব্যাংকঋণের প্রকৃত চিত্র বেরিয়ে আসছে। জানা যাচ্ছে প্রকৃত খেলাপি ঋণের পরিমাণ এরপর পৃষ্ঠা ২ কলাম



মাছের মেলা নবান উপলক্ষে সাতসকালেই জমে উঠেছে উথলী মাছের মেলা। সেখান থেকে বড় বড় মাছ কিনে বাড়িতে যাছেন শাহজাহান আলী ও লিটন মিয়া। গতকাল সকালে বগুড়ার শিবগঞ্জ উপজেলার উথলী গ্রামে। ছবি : সোয়েল রান

# দল নিষিদ্ধের বিধান আসছে আন্তর্জাতিক অপরাধ আইনে

দোষী সাব্যস্ত হলে দল বা সংগঠনের নিবন্ধন স্থগিত বা বাতিল করা যাবে। সংশোধনী প্রস্তাবের খসড়া তৈরি

প্রদীপ সরকার নাকা

রাজনৈতিক দল নিষিদ্ধের বিধান রাখাসহ বেশ কিছু বিষয়ে আন্তর্জাতিক অপরাধ (ট্রাইব্যুনাল) আইনের সংশোধনী প্রস্তাবের খসড়া তৈরি করা হয়েছে। খুন, গুম, নির্যাতনের মতো মানবতাবিরোধী অপরাধের দায়ে কোনো দল বা সংগঠন দোষী সাব্যস্ত হলে সেই দল বা সংগঠনের নিবন্ধন স্থগিত বা বাতিল করা যাবে। অন্তর্বর্তী সরকার এখন সংশোধনী প্রস্তাবগুলো আরও যাচাই-বাছাই করছে বলে জানা গেছে।তবে রাজনৈতিক দল নিষিদ্ধ করার প্রস্তাব নিয়ে আইনজীবীদের কেউ কেউ প্রশ্ন তুলেছেন। তাঁরা বলছেন, দেশে ভিন্ন একটি আইনে রাজনৈতিক দল নিষিদ্ধ করার সযোগ রয়েছে। এরপরও আন্তর্জাতিক অপরাধ (ট্রাইব্যুনাল) আইনে এ ব্যাপারে বিধান যুক্ত করা হলে, তা বিতর্ক সৃষ্টি করতে পারে।ছাত্র–জনতার অভ্যুত্থানে আওয়ামী লীগ সরকারের পতন হয় ৫ আগস্ট। তাদের শাসনের পতনের আন্দোলনে সরকারি হিসাবে ৮৭৪ জন নিহত হন। এমন পরিস্থিতিতে ক্ষমতাচ্যুত আগুয়ামী লীগের নেতৃত্বের বিরুদ্ধে গণহত্যা চালানোর অভিযোগ ওঠে। বর্তমান অন্তর্বর্তী সরকার গণহত্যা ও আওয়ামী লীগের শাসনের সময়ে গুমের অভিযোগগুলোর বিচারের উদ্যোগ নিয়েছে আন্তর্জাতিক অপরাধ টুইব্যনালে। ১৯৭৩ সালের আন্তর্জাতিক অপরাধ (ট্রাইব্যুনাল) আইনে বিচার এরপর পষ্ঠা ৪ কলাম ১

## মানুষের আস্থা ফেরেনি, প্রত্যাশা অনেক



• পুলিশের বড় অংশের মনোবল ফেরেনি, মামলার ভয়ে আছেন অনেকে। • ক্ষতিগ্রস্ত স্থাপনা, সরঞ্জামাদি ও যানবাহন। টহল ও তল্লাশিতে ভাটা। • আইনশঙ্খলা রক্ষায় মাঠে সশস্ত্র বাহিনী।

মাহমুদুল হাসান, ঢাকা

সরকারের ১০০ দিন পার হলেও আইনশৃঙ্খলা রক্ষাকারী বাহিনী এখনো পুরোপুরি গুছিয়ে উঠতে পারেনি। একেবারে বিপর্যস্ত অবস্থা থেকে তিন মাসের মাথায় দৃশ্যমান উন্নতি হলেও পুলিশের ওপর মানুষের আস্থা এখনো ফেরেনি। উপরন্তু মানুষের প্রত্যাশ্য বেড়েছেসংশ্লিষ্ট সূত্রগুলো বলছে, পুলিশের একটা অংশ এখনো অনিশ্চয়তার মধ্যে রয়েছে। ফলে পুলিশি কার্যক্রমে গতি কিছুটা বাডলেও বাহিনীর সদস্যদের মনোবল ফেরানো এখনো বড চ্যালেঞ্জ হয়ে রয়েছে। এর প্রভাব পডেছে সামগ্রিক আইনশৃঙ্খলা পরিস্থিতিতেও। ঢাকাসহ দেশের বিভিন্ন এলাকায় অপরাধ এরপর পৃষ্ঠা ২ কলাম ১ বৃদ্ধির প্রবণতা দেখা গেছে।

# দরিতে শুরুর মাশুল

# ৬০০ কোটি টাক

সুজয় চৌধুরী, চট্টগ্রাম

চট্টগ্রাম ওয়াসা

নগরবাসীকে দৃষণ থেকে রক্ষায় ২০১৮ সালে পয়োনিষ্কাশন প্রকল্প হাতে নিয়েছিল চট্টগ্রাম ওয়াসা। নির্মাণকাজ শুরু হয় প্রায় তিন বছর পর। ফলে নির্ধারিত মেয়াদে প্রকল্পের কাজ শেষ হয়নি। এখন এ বিলম্বের মাশুল দিতে হচ্ছে। ব্যয় বাড়ছে ৬০০ কোটি টাকা। চউগ্রাম মহানগরের পয়োনিষ্কাশনব্যবস্থা স্থাপন' শীর্ষক প্রকল্পটি ২০১৮ সালের ৭ নভেম্বর জাতীয় অর্থনৈতিক পরিষদের নির্বাহী কমিটির (একনেক) সভায় অনুমোদন পায়। শুরুতে প্রকল্পের ব্যয় ধরা হয়েছিল ৩ হাজার ৮০৮ কোটি টাকা। ৬০০ কোটি টাকা বেড়ে এখন প্রকল্প ব্যয় দাঁড়াচ্ছে ৪ হাজার ৪০৮ কোটি টাকা। তবে ব্যয় বাড়ানোর চূড়ান্ত অনুমোদন এখনো পাওয়া যায়নি। পর্মা ১ কলায় ৫

### ভূরাজনীতিতে এশিয়া এখন আন্তর্জাতিক উত্তেজনার কেন্সে

কূটনৈতিক প্রতিবেদক, ঢাকা

ভারত-প্রশান্ত মহাসাগরীয় অঞ্চলসহ বিশ্বের নানা প্রান্তে চীনকে মোকাবিলা করতে গিয়ে যুক্তরাষ্ট্র ও তার পশ্চিমা মিত্ররা নানা উদ্যোগ নিয়েছে। আর যুক্তরাষ্ট্রের স্বার্থ দেখতে গিয়ে বিশৃঙ্খলা দেখা দিয়েছে ইউরোপে। ভূকৌশলগত প্রতিযোগিতার রাজনীতির কারণে এশিয়া এখন আন্তর্জাতিক উত্তেজনার কেন্দ্রবিন্দুতে পরিণত হয়েছে রাজধানীর একটি হোটেলে তিন দিনের আন্তর্জাতিক সম্মেলনের দ্বিতীয় দিনের প্যানেল আলোচনায় গতকাল রোববার বিশেষজ্ঞরা এ কথা বলেন। বেসরকারি গবেষণা প্রতিষ্ঠান সেন্টার ফর গভর্ন্যান্স স্টাডিজ (সিজিএস) 'বে অব বেঙ্গল কনভারসেশন

এরপর পৃষ্ঠা ৪ কলাম ৩